

$\pi \bar{i}$
2096



QK. 209, 27

II i
2096

Ein Christlich Gebet
in jetzigem elenden Zustand / da-
rin Gott selbst uns seine ferwige Rute / vnd
seinen gerechten Zorn am Himmel zeigt /
vnd uns mit allerley drawungen vnd züch-
tigungen heimsuchet / zuthun / vnd sich
damit für Gott demütiglich anzu-
geben / vnd vmb Gnad
zu bitten.

Der Christlichen Gemein zu
Leipzig fürgeschrieben /

Durch

D. Nicolaum Selneccerum, Pfarern
vnd Superintendenten
daselbst.



1578

Cum gratia & priuilegio.

M. D. LX XVIII.







Allmecht-

tiger / ewiger /
gütiger Gott / du
Vater vnfers HErr-
ren Jhesu Christi / du
grosser vnd schreck-
licher Gott / der du
Bund vnd Gnade heltest denen / die dich
lieben / O König aller Könige / vnd HErr
Himmels vnd der Erden / dessen gewalt vnd
Allmechtiger Hand alle ding vnterworffen
sind / vnd für dessen Göttlicher Maiesiet alle
Creaturen zittern / die hohen Berge vnd die
Abgründe der tieffen erschrecken / wenn du
zornig bist / der ganze Erdbodem bebet / Meer
vnd Wasser / Wolcken vnd Luft fliehen
für deinem Zorn / der vntreglich ist / alle
Thier verkriechen sich für deinem Donner /
wenn du dich in deinem Zorn hören lessest.

Ach lieber HErr / wir sehen deines Zorns
zeichen / vnd fewrige / grosse / newe / schreckli-
che Kute / die du vns für vnsern Augen am
hohen Himmel auffgesteckt hast / vnd erin-
nern vns auch anderer vielfeltigē Zeichen / so

A ij

zuuor

zuuor heuffig erschienen/ auch allerley war-
nungen vnd straffen/ Pestilenz/ Kranckhei-
ten / Armut / Krieg vnd Kriegesgeschrey/
Ehewrung vnd dergleichen / mit welchen du
vns / vnd unsere Nachbarn / Brüder vnd
Schwester heimsuchest vnd züchtigest. Ach
gütiger Gott / wir bekennen / das wir leider
mit vnsern manigfaltigen schweren Sün-
den / dich ofte vnd hart von vnser Jugendt
auff / bis auff diese Stunde / erzürnet / vnd
allerley grewliche straffen / dein Zorn / den
Todt vnd die Helle verdienet haben. Wir
haben gesündigt / vnrecht gethan / sind
Gottlos gewesen / vnd abtrünnig worden/
wir sind von deinen Geboten vnd Rechten
gewichen. Wir haben dein Wort verachtet/
sind sicher vnd rohlos gewesen/ Deinen Na-
men missgebraucht / Ja dich gelestert vnd
verunehret / vnd / O HErr Ihesu Chrisc /
haben wir dein Leiden vnd Sterben / Mar-
ter / Wunden / Todt / dein Tauff vnd Sacra-
ment / liderlich / leichtfertig / vnd oftmals
grimmig geschendet / dabey geflucht wider
dich / vnd wider vnsern Nechsten / vnbesten-
dig / vnachtsam vnd wankelmütig in dei-
nem wort gewest / auch in Neid / Has / Groll /
Grim

Grim vnd Rachgier gegen einander gelebet/
mit vngehorsam gegen vnser Obrigkeit vnd
Herrschafft / desgleichen mit vnordenlichem
leben / vnzucht / fressen / sauffen / wuchern/
geitz/vorteil vnd betrug / mit verleumbdung
vnd lügen / vnser Seel / Leib vnd Gewis-
sen/beschwert vnd verderbet. Deinen trewen
Knechten vnd Dienern/ die in deinem Na-
men vnsern Fürsten/Vetern/vñ allen Volck
im Lande predigten / haben wir nicht gehor-
chet / sondern sie vnd ihre vermanung / war-
nung vnd straffe vernichtet / verhönet / ver-
achtet vnd verlachtet / vnd das thewre werde
Predigampt / gering gehalten/ vnd demsel-
ben zeitliche Ehr / Wellich ansehen / Geld
vnd Gut weit fürgezogen / vnd vnser Kin-
der vnd Freunde zu deinem Wort nicht erzo-
gen/ sondern oftmals dauon abgehalten/
vnd vns deines Worts vnd Predigampts
geschemet / vnd sonst auch auff Christliche
Kinderzucht / Disciplin vnd Erbarkeit / bey-
des in vnsern Schulen vnd Heusern / vnd in
vnser Gemein/wenig/ oder gar kein achtung
geben. Sünd vnd schand / von tag zu tag
lassen wachsen vnd einreissen. Stoltz/pracht
vnd vbermut/in reden/ geberden/ Kleidung/
A iij bawen/

barren/vnd in essen vnd trincken / offte wider
vnsere vermögen / getrieben / vnd ergernis ge-
geben / vnd in Summa Alt vnd Jung / Man
vnd Weib / hoch vnd nider / gelehrt vnd unge-
lehrt / Lehrer vnd Zuhörer / deinen gerechten
Zorn vñ allerley zeitliche vnd ewige straff / nu-
lengst gar wol verdienet. Vnsere ganz Heupt
ist krank / vnsere ganz Hertze ist matt / von der
Fussolen bis auff's Heupt / ist nichts gesun-
des an vns / sondern Wunden / Strimen / Eu-
ter beulen in allen Stenden. Du **H E R R**
bist gerecht / wir müssen vns schemen. Ja
H E R R / Wir / vnsere Könige / vnsere Für-
sten / vnsere Obrigkeit / vnd vnsere Väter / *Præ-*
ceptores vñ *Discipel* müssen vns für dir
schemen / das wir vns an dir versündigt
haben. Daher wil vns auch dein Zorn / dein
Rute / dein Fluch vnd dein Schwur treffen.
So beten wir auch nicht für dir / **O H E R R**
vnsere Gott / vnd fallen dir nicht zu Fuss / noch
in die Arm / vnd bekenen vns nicht von den
Sünden / vnd glauben deinen Worten vnd
deinen drewen / vnd deiner Rute nicht / bis
wir's erfahren / sondern heuchlen für dir / vnd
ist vns kein rechter ernst / vñ lassen von
Sünden nicht abe. Darumb bistu auch wa-
cker

cker mit dem vnglück vber vns / das wir / ehe
wir vns besinnen / mit deinem Zorn vberra-
schet vnd vberfallen werden / wie wir vns be-
fahren.

Nu **H E R R** vnser Gott / der du vns
deinen Son geschenckt hast / der vnser Gott /
Bruder / vnd vnser Fleisch vnd Blut ist / vnd
sitzet zu deiner Allmechtigen krafft vñ Herr-
ligkeit / dein ist die Barmhertzigkeit / vnd wir
sind in deinen Henden / vnter deiner gewalt /
wir haben ja gesündigt / vñ sind leider Gott-
los gewesen / vnd noch. Ach **H E R R** / vmb
aller deiner gerechtigkeit willen / wende abe
deinen Zorn vnd grim von vns deinen elen-
den armen Kindern vnd Wurmlein / Erhöre
vnser Gebet vnd flehen / vnd sihe vns an /
nicht mit ein zornigen sauern anblick vnd
fewrigen Rute / sondern mit einem Väterli-
chen / gnedigen / lieblichen vnd lachendem
Angesicht / vmb Ihesu Christi deines Sons
vnser **H E R R** vnd Heilands willen. Neige
deine Ohren / O Gott / vnd höre das Gebet
deiner Furtelteublein / vnser / vnd vnser ar-
men Kinderlein / Schülerlein / Widwen vnd
Waisen / vnd gehe nicht ins Gericht mit vns /
denn wir doch im geringsten nicht für dir be-
stehen

sehen können. Rechne vns unsere Missethat
nicht zu / dadurch wir wissend vnd vnwis-
send / öffentlich vnd heimlich / in Kirchen vnd
Schulen / in Heusern vnd in der Gemein /
dich / O grosser Gott / erzürnet haben. Thue
deine Augen auff / vnd sehe / wie wir zu dir
gelffen vnd schreien / die wir nach deines
Sons Namen Christen genennet sind / vnd
die wir für dir liegen mit vnserm Gebet / nicht
auff vnser Gerechtigkeit (denn da ist keine)
sondern auff deine grosse Barmherzigkeit.
Ach HErr höre / Ach HErr sey gnedig / Ach
HErr schonne / vnd zeuch die Rute wider zu
rück / vnd lasse vns nicht sterben vnd verder-
ben vnter deinem Zorn. Las ab von deinem
grim vber vns / hilff vns / erfreue vnd erqui-
cke vns wider / gedencke an deine grosse güte
vnd Barmherzigkeit / vmb deines heiligen
Namens willen. Behüt vns für Krieg /
Therung vnd Pestilenz / für bösen schnellen
Todt / vnd ewigen Verdammnis / vnd straffe
vns ja nicht mit ewiger Qual vnd Pein / so
du vns je in diesem Leben zeitlich heimsuchen
vnd straffen wilt. Ach HErr / dein Barm-
herzigkeit ist gros / vnd mitten im Zorn ge-
denckestu an deine Güte vnd gnade / vnd
erbarms

erbarmst dich vnser / denn du siehest vnd erken-
nest vnser elend. Wir wollen / wenn du vns
ja wilt züchtigen / gern fallen in deine Hen-
de / vnd vns dir zu eigen Knechten vnd gefan-
gen geben / denn du bist doch vnser Gott / vnd
vnser Vater / gibe vns nur gedult / vnd lasse
vns in der Menschen Hende nicht fallen / son-
dern in deinen Henden bleiben / welche ob sie
schon schwer sind vnd sehr drucken / noch wer-
den sie wider empor erhoben / vnd sind voller
gnaden. Ach HErr Gott sey vns gnedig /
vnd mache vns ewig selig. Behüte vns auch
für falscher Lehr / vnd Ketzereyen / vnd erhal-
te vns bey deinem Wort. Behre vnd sture
des leidigen Pappst / des Türcken vnd Mos-
couiters / vnd anderer Feinde Tyranney /
greweln / listen / Practicken / toben vnd wü-
ten / die deinen Namen lesiern / dein Reich zu-
stören / deinen willen hindern / vnd vns umb
deines Namens vnd Wortes willen verfol-
gen. Stehe gnediglich bey vnsern Brüdern
vnd Schwestern / die von solchen gewlichen
Feinden angefochten / betrübt / gefangen /
vberweltiget vnd getödtet werden. Las die
Heiden nicht sagen / Wo ist nu jr Gott ? Wo
ist nu jr Christus ? Las vnter inen für vnsern
B Augen

Augen kund werden / die Rache des Bluts
deiner Knechte / das vergossen ist. Las für
dich kommen das seuffzen der gefangenen
Christen. Nim den Feinden Hertz vnd mut/
das sie müssen verzagen / vnd ire Hende las
vnd feig werden / vnd Ross vnd Man zu bo-
den sincken. Schütze vns Herr Zebaoth/
beweise deine hülffe an vns / die wir auff dei-
nen Namen hoffen. Denn es ist sonst nie-
mand / der für vns köndte streiten / denn du
vnserr Herr Gott alleine. Gib vns auch dei-
nen heiligen Geist in vnserre Herzen / das wir
vns von Herzen zu dir bekeren / von vnsern
Sünden abelassen / dich recht erkennen / dir
recht gehorsam sein / dir recht gleuben / dich
recht fürchten / dich recht anruffen / dir recht
dienen / dir recht danken / dich mit Hertz/
Mund vnd that / loben vnd preisen / dein
Wort vnd Sacrament für vnsern höchsten
Schatz halten / vnd dich Gott Vater / Gott
Son / Gott heiligen Geist / in alle ewigkeit /
als vnsern gnedigen Gott anschawen / rüh-
men vnd ehren / vñ in dieser Welt als Werk-
zeuge deiner Hende / vnd gefes deiner Barm-
herzigkeit in allen Stenden anfahen dir zu
ehren / zu gehorsam / vnd zu gefallen zu leben /
in

Ein ander fürßer Gebet.

WIR ERN Gott Himlischer Va-
ter / du heilige Dreyfaltigkeit / du
ewige Einigkeit / du grosse All-
mechtige Maieestet. Wir sehen
vnd erkennen deinen Zorn wider
vnsere grosse vielfeltige Sünde/
vnbußfertigkeit vnnnd sicherheit /
vnd ist vns herzklich leide / das wir dich / O trewer
Gott / O gütiger Vater / O einiger HErr Him-
mels vnd der Erden / jemals erzürnet haben. Ach
HErr / wir sind in deinen Henden / vnd sind deine
Gefangene. HErr du bist gerecht / vnd wie du es
mit vns machest / das ist recht. Wir haben vber dich
nicht im geringsten zu klagen noch zu murren. Du
hast aber alle Augenblick vber vns arme Sünder zu
klagen / vnnnd vber vnsere Sünde haben wir alle/
sempelich vnd sonderlich zumurren / vnd mit vns selbs
zuzürnen / ja vns selbst zuurteilen vnd zuuerdammen.
Wolan / du trewer Gott / wir geben vns schuldig /
vnd stellen vns demütiglich mit weinenden Herzen
vnd Augen für dein Väterlich Angesicht / vnd erz-
schrecken doch für deinem Zorn. Wenn du nur
drawest / so entsetzet sich vnsere Leib vnd Seel / vnd
wir müssen vns schemen für dir / von wegen vnsere
grossen vnstetigen Sünden. Wo sollen wir / Ach
HErr / nu fliehen hin? Wen sollen wir anruffen
vmb raht vnd hülffe / denn dich alleine? Du bist ja
vnsere Vater / dein Son ist vnsere Ihesus / Heiland
vnd Bruder / So sind wir ja mit dem thewren Blut

B iij

deines

deines Sons von allen vnsern Sünden gereiniget
vnd abgewaschen / vnd vnser Giedmaß / ja Seel
vnd Leibe / sind Wohnung vnd Tempel deines heiliz
gen Geistes / darumb wir auch getauffte sind / vnd has
ben vnd hören dein Wort vnd verheissung / vnd ems
pfahen darauff im heiligen Abendmal deines Sons
Leib vnd Blut / wie er vns befohlen hat / vnd ruffen
deinen Namen an / vnd sehen mit vnsern Herzen
vnd Augen auff dich / O HErr / in allen vnsern nö
ten. Ach HErr / wir appellirn vnd keren vns von
deinem Zorn zu deiner Gnad / von deinem ernsten
Richterstuel zu deinem Gnadenthron / welcher ist
dein Son selbs / vnser Gott / Erlöser / Mittler / Heis
land / vnd vnser Fleisch vnd Blut / Ihesus Christus.
Vmb seinet willen / O HErr Gott / sey vns gnedig /
vnd sey vns ja nicht schrecklich. Züchtige vns HErr /
doch mit masse / vnd nicht in deinem grim / auff das
du vns nicht auffreibest. Laß das bitter Leiden vnd
Sterben deines Sons / vnd dein eigen Wort /
Schwur vnd Verheissung / an vns armen elenden
Sündern / nicht verloren noch vns omb sonst ange
boten vnd geprediget werden. Auff dich hoffen wir
lieber HErr / in schanden laß vns nimmermehr. Bes
hüte vnser Kirchen vnd Schulen für falscher Lehre.
Gibe vns trewe Lehrer / vnd erhalte / die du vns geze
ben hast. Beschütze vnd verteidige vnser liebe hohe
vnd ordentliche Obrigkeit / vñ behüte vns für frembs
dem Joch / vnd sonst für Krieg / vnd Auffruhr / vnd
andern grewlichen straffen / Tewrung vnd Pestis
lens. Erhöre das Gebet deiner Kinder / vnd schütze
te dein grim nicht aus vber dein Volck / vnd vber die
Schaffe deiner Weide. Schütte aber deinen Zorn
vber

in rechter Demut / Messigkeit vnd Gottes
fürcht / in Christlichem / erbarn / auffrichti-
gem wandel / lieb vnd einigkeit gegen vnserm
Nechsten / ohn troz vnd ohn falsch / vnd able-
gen alle Fleischliche sicherheit / Geitz / Wu-
cher / Stoltz / Zorn / Neid / Hass / vnd ausle-
schen alle vnziemliche Flammen / begierd vnd
lüste / vnd vnserm Nechsten gern rahen / die-
nen vnd helffen / vnd stets bereit sein / in rech-
tem Glauben vnd gutem Gewissen zu ein se-
ligen Valetstündlin / nach deinem Väterli-
chem Götlichen willen aus diesem Jammer-
thal / vnd am jüngsten Gericht für dir mit
frölichen Herzen / vnd auffgerichtetem Ange-
sicht / ohn zittern vnd zagen / bestehen können.
Wollest auch unsere liebe hohe Obrigkeit /
onser Haupt vnd Kron / den Churfürsten /
Churfürstin / Jungen Herren vnd Frew-
lein / etc. regieren / leiten vnd führen / bey gu-
ter Gesundheit vnd langem Leben / in jetzi-
gem gefehrlichem zustand / gnediglich erhal-
ten / das wir vnter irem schutz vnd wolfart /
deines Segens / in Kirchen / Schulen / vnd
allen andern Stenden / auch recht vñ danck-
barlich gebrauchen vnd genießen können.
Erhalte vns du getrewer Gott bey vnserm
V ij lieben

lieben Kinder Catechismo schlecht vnd recht.
Heilige vns in deiner Warheit/dein Wort ist
die Warheit. Las vns durch kein schalckheit
der Menschen / heuchelen vnd teuscheren be-
trogen noch versüret werden / sondern vnser
Lehr/vnsers Glaubens vnd bekentnis gewis
sein / vnd standhafftig bis an vnsern letzten
seufftzen dabey bleiben / vnd von keinem win-
de falscher Lehre gewogen vnd gewiget wer-
den / wie bisher offtmals leider geschehen ist.
Las die liebe Jugendt recht erzogen werden/
vnd gib darzu trewe Lerer vnd *Præceptores*
in Kirchen vnd Schulen / vnd lencke die Her-
zen der Eltern / das sie zu Christlicher Kin-
derzucht lust vnd liebe gewinnen. Lasse vns
auch alle / vnsern Raht vnd Gemein / sampt
vnsern Kirchen vnd Schulen dir befohlen /
vnd vnter deinem schutz vnd schirm / vnd Flü-
geln deines Gnadenthrons allzeit sein vnd
bleiben / vnd durch deine liebe Engel auff al-
len vnseren wegen behütet vnd bewaret wer-
den / das wir also dich hie vnd dort in ewig-
keit loben vnd preisen können / der du lebest
vnd regierest / warer Gott Vater /
Son / vnd heiliger Geist / Hoch-
gelobt in alle Ewigkeit /
A M E N.

Ein

vber die Feinde / die dich nicht kennen / vnd dein
Wort nicht hoch halten / vnd vber die Geschlecht / so
deinen Namen nicht anruffen. Wir befehlen nu dir
vnsere Seel / Leib / Leben / Man / Weib / Kinder / Ges
sind / Obrigkeit / Vnterhanen / Haus / Hoff / Kir
chen / Schulen / Blut / Gut vnd Ehr / alles in deine
gnedige Väterliche Hand. Dir leben wir / dir ster
ben wir / dein sind wir todt vnd lebendig. Laß vns
nur dein sein vnd bleiben / sey vns gnedig vnd ma
che vns ewig selig. Dir / O Gott Vater / sampt
dem Son vnd heiligem Geist / du grosser / wunder
sam / vnd allmechtiger Gott / du König der Heiligen /
der du doch allein heilig bist / vnd heiligest alle / die
dich fürchten / vnd deinen heiligen Namen preisen /
sey lob / ehr / danck vnd preis in alle ewigkeit /

Amen. Die Gnade vnsers HErrn

Ihesu Christi sey mit vns

allen / Amen.



Gedruckt zu Leipzig / Durch
Jacob Verwaldts Erben.

AK 11. 2096

Faint, illegible text, possibly bleed-through from the reverse side of the page.



Handwritten initials or a small mark in blue ink.

Faint, illegible text at the bottom of the page, possibly bleed-through.



Pou Thi 2096, QK


ULB Halle

3

003 565 904







II i
2096

Christlich Be-
m elenden Zustand / da-
ons seine fawrige Rute / vnd
n Zorn am Himmel zeigtet/
llerley drawungen vnd züch-
imsuchet / zuthun / vnd sich
Gott demütiglich anzu-
n / vnd vmb Gnad
zu bitten.

istlichen Gemein zu
zig fürgeschrieben /

Durch

m Selneccerum, Pfarern
Superintendenten
daselbst.



1578

gratia & priuilegio.

D. . L X X V I I I .

